

四庫全書

史部

欽定四庫全書

史部

遼史卷

十八至
二十四

詳校官庶吉士臣龍廷槐

給事中臣查善長覆勘

總校官編修臣朱鈐

校對官編修臣祁韻士

謄錄監生臣李情

欽定四庫全書

金史卷十八

元中書右丞相總裁托克托等修

本紀第十八

興宗一

興宗神聖孝章皇帝諱宗真字雅布濟小字濟古爾聖
宗長子母曰欽哀皇后蕭氏上始生齊天皇后養之幼
而聰明長而魁偉龍顏日角豁達大度善騎射好儒術

通音律三歲封梁王太平元年冊為皇太子十年六月
判北南院樞密使事十一年六月己卯聖宗崩即皇帝
位於樞前壬午尊母元妃蕭氏為皇太后甲申遣使告
哀于宋及夏高麗是年御宣政殿放進士劉貞等五十
七人辛卯大赦改元景福乙未奉大行皇帝梓宮殯于
永安山太平殿辛丑皇太后賜駙馬蕭哲伯埒蕭必塔
死圍場都太師女直珠格爾右祇候郎君詳袞蕭雅嚕
等七人棄市籍其家遷齊天皇后于上京秋七月丙午

朔皇太后率皇族大臨于太平殿高麗遣使弔慰上召
晉王肅布庫等飲博夜分乃罷丁未擊鞠戊申以耶律
罕巴為左伊勒希巴特穆爾為左祗候郎君詳袞橫帳
郎君樂古權右祗候郎君詳袞己酉以耶律哲魯為伊
濟德呼勒都詳袞果巴為右皮室詳袞庚戌賑薊州饑
癸丑詔寫大行皇帝御容甲寅錄囚以觀察姚居信為
上將軍建慶州于慶陵之南徙民實之充奉陵邑乙卯
以比歲豐稔罷給東京統軍司糧丁巳上謁大行皇帝

御容哀慟久之因詔寫北府宰相蕭孝先南府宰相蕭孝穆象于御容殿以蕭阿克展為東京留守丁卯謁太平殿焚先帝所御弓矢幸晉王蕭布庫第視疾辛未錄囚壬申上謁神主帳時威蕭氏始入宮亦命拜之八月壬午遷大行皇帝梓宮於葢塗殿九月戊申躬視慶陵庚戌問安于皇太后辛亥宋遣王隨曹儀致祭王醴許懷信梅詢張綸來慰兩宮范諷孫繼業賀即位孔道輔魏昭文賀皇太后冊禮戊午焚弧矢鞍勒于葢塗殿庚

申夏國遣使來慰庚午以宋使弔祭喪服臨鼓塗殿甲戌遣御史中丞耶律翥司農卿張確詳袞耶律勵四方館使高維翰謝宋弔慰冬十月戊寅宰臣呂德懋薨癸未殺哲伯埒黨彌勒努觀音努等丙戌遣工部尚書高德順崇祿卿李可封致先帝遺物于宋以右領軍衛上將軍耶律遜少府監馬憚充皇太后謝宋使右監門衛上將軍耶律元載引進使魏永充皇帝謝宋使丁酉夏國遣使來賻戊戌以蕭革趙為果耶律郁馬保業充來

歲賀宋正旦使閏月辛亥謁鼂塗殿閱玄宮闕羅有司
請以生辰為永壽節皇太后生辰為應聖節從之辛酉
閱新造鎧甲丁卯賑黃龍府饑民十一月壬辰上率百
僚奠于鼂塗殿出大行皇帝服御玩好焚之縱五坊鷹
鷂甲午葬文武大孝宣皇帝于慶陵乙未祭天地問安
皇太后丙申謁慶陵以遺物賜羣臣名其山曰慶雲殿
曰望仙十二月癸丑至自慶陵皇太后聽政帝不親庶
務羣臣表請不從是歲以興平公主下嫁夏國王李德

昭子元昊以元昊為夏國公駙馬都尉

重熙元年春正月壬申朔皇太后御正殿受帝與羣臣
朝宋遣任布王遵範陳琰王克善來賀乙亥宋遣鄭向
郭遵範來賀永壽節丁丑如雪林二月大蒐三月壬申
朔尚父漆水郡王迪里復為特哩袞是春皇太后誣齊
天皇后以罪遣人即上京行弑后請具浴就死許之有
頃后崩夏四月乙巳清暑巴納登秋七月獵平地松林
以蕭達溥王英秀蕭麓張素羽充來歲賀宋正旦生辰

使八月丙午駐蹕喇河源皇子洪基生冬十月己酉幸中京十一月己卯帝率羣臣上皇太后尊號曰法天應運仁德章聖皇太后羣臣上皇帝尊號曰文武仁聖昭孝皇帝大赦改元重熙癸未宋遣劉隨王德本來賀應聖節以楊佖為翰林承旨丙戌夏國遣使來賀辛卯五國酋長來貢夏國王李德昭薨冊其子夏國公元昊為夏國王十二月庚戌宋遣胥偁王從益崔暨張懷志來賀來歲正旦又遣楊日嚴王克纂來賀永壽節以北大

王耶律求翰同平章事是年放進士劉師貞等五十七人

二年春正月庚辰東幸乙酉夏遣使來貢壬辰女直詳
袞塔雅克率所部來貢宋遣曹琮來告母后劉氏哀章
得象安繼昌來饋母后遺物即遣延昌宮使耶律壽寧
給事中知制誥李奎充祭奠使天德軍節度使耶律卿
寧大理卿和道亨河西軍節度使耶律嵩引進使馬世
卿充兩宮弔慰使秋七月甲子朔以耶律楚高升耶律

迪王惟允充兩宮賀宋生辰使副以耶律師古劉五常
充賀宋來歲正旦使副八月丁酉幸溫泉宮乙卯遣使
閱諸路禾稼冬十一月甲申宋遣劉寶符忠李昭述張
茂實等來謝慰奠十二月乙未宋遣丁度王繼凝來賀
應聖節己酉禁夏國使沿路私市金鐵甲寅宋遣章頻
李懿王冲睦張緯李絃李繼一來賀永壽節及來歲正
旦庚申以北府宰相蕭孝先為樞密使

三年春正月丁卯宋使章頻卒詔有司賻贈命近侍護

喪以歸辛卯如春水二月壬辰以北院樞密使蕭布庫
為東京留守戊申耶律大師努有侍襁褓恩詔入屬籍
夏四月甲寅振尼瑪齊部五月庚申朔清暑沿柳湖是
月皇太后還政于上躬守慶陵六月己亥以蕭布庫為
南院樞密使秋七月戊子朔上始親政以耶律庶徵劉
六符耶律睦薄可久充賀宋來歲正旦使副壬辰如秋
山冬十月己未駐蹕中會川十二月宋遣段少連杜仁
贊來賀來歲正旦楊偕李守忠來賀永壽節

四年春正月庚寅如尼瑪齊里三月乙酉朔立皇后蕭氏夏四月甲寅朔如涼陁五月庚子清暑散水源六月癸丑朔皇子寶信努生以耶律信呂士宗蕭袞郭揆充賀宋生辰及來歲正旦使副秋七月壬午朔獵于黑嶺九月己酉駐蹕長寧淀冬十月如王子城十一月壬午改南京總管府為元帥府乙酉行柴冊禮于白嶺大赦加尚父耶律信寧政事令耶律求翰省宿贊翊功臣十二月癸丑詔諸軍砲弩弓劍手以時閱習庚申宋遣鄭

戲柴貽範楊日華張士禹來賀永壽節及正旦

五年春正月甲申如魚兒灤樞密使蕭延寧請改國舅
伊實小功帳敵史為將軍從之四月庚申以潞王察克
為南府宰相崇德宮使耶律瑪魯為特哩袞甲子辛后
弟蕭無曲第曲水泛觴賦詩丁卯頒新定條制己巳上
與大臣擊鞠五月甲午南辛丁未如呼圖哩巴山清暑
庚申幸北院大王高十行帳拜奧賜銀絹壬戌詔修南
京宮闕府署秋七月辛丑錄囚耶律巴拜誣其弟韓格

謀殺已有司奏當反坐臨刑其弟泣訴臣惟一兄乞貸其死上憫而從之九月癸巳獵黃花山獲熊三十六賞獵人有差冬十月丁未幸南京辛亥曲赦析津府境內囚壬子御元和殿以日射三十六熊賦幸燕詩試進士于廷賜馮立趙徽四十九人進士第以馮立為右補闕趙徽以下皆為太子中舍賜緋衣銀魚遂大宴御試進士自此始宋遣宋郊王世文來賀永壽節甲子宰臣張儉等請幸禮部貢院歡飲至暮而罷賜物有差以耶律

祥張素民耶律甫王澤充賀宋生辰正旦使副

六年春正月丁丑西幸三月戊寅以秦王蕭孝穆為北
院樞密使徙封吳王晉王蕭孝先為南京留守夏四月
獵野狐嶺閏月獵龍門縣西山五月己酉清暑炭山以
耶律罕巴為北院大王蕭巴噶左伊勒希巴王子郎君
詳袞布古德林牙簽北面事耶律尼格同簽點檢司甲
寅錄囚以南大王耶律信寧故匿重囚及侍婢贓污命
撻以劍脊奪其官都監坐阿附及侍婢罪皆論死詔貸

之丙辰以耶律信寧為西南路招討使庚申出飛龍廐
馬賜皇太弟重元及北南面侍臣癸亥以上京留守耶
律呼圖克珉為南大王平章事蕭扎拉納上京留守侍
中管寧行宮都部署耶律普努寧烏爾古達魯特都詳
袞甲子以上京留守耶律鴻觀為北院大王六月壬申
朔以善寧為殿前都點檢護衛太保耶律和卓兼長寧
宮使蕭額魯哩耶律烏拉噶耶律和尚蕭罕嘉努蕭托
里蕭求翰為各宮都部署上酒酣賦詩吳國王蕭孝穆

北宰相蕭巴薩等皆屬和夜中乃罷己卯祀天地癸未
賜南院大王耶律呼圖克琨命上親製誥詞並賜詩以
寵之丙申以北院大王浩善為南京統軍使秋七月辛
丑朔以北南樞密院獄空賞賚有差壬寅以皇太弟重
元生子賜詩及寶玩器物曲赦死罪以下癸卯如秋山
八月己卯北樞密院言伊濟部民苦其酋帥庫春不法
多流亡詔罷伊濟等五國酋帥以契丹節度使一員領
之冬十月癸酉駐蹕石寶岡十一月己亥朔準布酋長

來貢辛亥以契丹行宮都部署蕭惠為南院樞密使壬子以管寧為南院樞密使蕭繹古諸行宮都部署耶律紐幹哩知南面行宮副部署蕭額魯哩左祗候郎君詳袞耶律和卓右祗候郎君詳袞庚申辛晉國公主行帳視疾封皇子洪基為梁王十二月以楊佺為忠順軍節度使遣耶律幹秦鑑耶律德崔繼芳賀宋生辰及正旦七年春正月戊戌朔宋遣高若訥夏元正謝絳張茂實來賀正旦及永壽節辛丑如混同江二月庚午如春州

乙亥駐蹕東川丁丑高麗遣使來貢壬午辛五坊閱鷹
鷂乙酉遣使慶州問安皇太后三月戊戌朔幸皇太弟
重元行帳壬寅如蒲河淀辛亥夏國遣使來貢甲寅錄
囚夏四月己巳以興平公主薨遣北院承旨耶律庶成
持詔問夏國王李元昊公主生與元昊不睦沒詰其故
己卯獵白馬塢甲申射兔新淀并乙未獵金山遣楊家
進鹿尾茸于大安宮六月乙亥御清涼殿試進士賜邢
彭年以下五十五人第秋七月甲辰錄囚乙巳準布酋

長通特古斯來朝戊申如黑嶺九月丁未駐蹕平淀冬
十月甲子朔渡遼河丙寅駐蹕白馬淀壬申錄囚十一
月癸巳朔以耶律元方張泥韓至德蕭傅充賀宋生辰
正旦使副辛丑問安皇太后進珍玩庚申錄囚十二月
召善擊鞠者數十人于東京令與近臣角勝上觀之已
巳以皇太弟重元判北南院樞密使事北府宰相賽音
巴寧再任兼知東京留守事耶律詳袞南府宰相察噶
扎大內特哩袞伊實已帳蕭翰乾州節度使劉六符參

知政事王子帳冠格王子郎君詳袞吹絃大王平州節
度使宰臣張克恭守司空宰臣韓紹芳加侍中特哩袞
耶律瑪魯北院宣徽使傳父耶律喜孫南府宰相癸未
宋遣王舉正張士禹賀永壽節甲申命日進酒于大安
宮致薦慶陵丁亥錄囚非故殺者減科南面侍御準格
爾詐取女直貢物罪死上以有吏能黥而流之

八年春正月壬辰朔宋遣韓琦王從益來賀丙申如混
同江觀魚戊戌振丕勒部庚戌又魚實默里河丁巳禁

朔州鬻羊于宋二月丙子駐蹕長春河夏六月乙丑詔
括戶口秋七月丁巳謁慶陵致奠于望仙殿迎皇太后
至顯州謁園陵還京冬十月駐蹕東京十一月甲午詔
有言北院處事失平擊鍾及邀駕告者悉以奏聞戊戌
朝皇太后召僧論佛法戊申皇太后行再生禮大赦已
酉城長春閏十二月壬辰視吳國王蕭孝穆疾宋遣龐
籍杜贊來賀永壽節

九年春正月丙辰朔上進酒于皇太后宮御正殿宋遣

王拱辰彭再思來賀庚申如鴨子河二月駐蹕魚兒凼
三月辛未以應聖節大赦五月乙卯朔清暑永安山六
月射柳祈雨秋七月癸酉宋遣郭禎以伐夏來報遣樞
密使杜防報聘丁丑如狄山冬十月癸未朔駐蹕中會
川十一月甲子女直侵邊發黃龍府鐵驪軍拒之宋遣
蘇伸向傳範賀應聖節十二月庚寅以北大王府布魁
帳郎君自言先世與國聯姻許置敬史命本帳蕭呼圖
克為之辛卯以所得女直戶置肅州以肅迪劉三蝦耶

律元方王惟吉耶律庶忠孫文昭蕭紹筠秦德昌充賀
宋生辰及來歲正旦使副詔諸犯法者不得為官吏諸
職官非婚祭不得沉酗廢事有治民安邊之略者悉具
以聞

遼史卷十八

欽定四庫全書

遼史卷十九

元中書右丞相總裁托克托等修

本紀十九

興宗二

十年春正月辛亥朔宋遣梁適張從一富弼趙日定來
賀甲子復遣吳育馮戴來賀永壽節二月庚辰朔詔博
囉滿達勒歸哈斯罕戶之没入者使復業甲申北樞密

院言南北二王府洎諸部節度侍衛祇候郎君皆出族
帳既免與民戍邊其祇候事請亦得以部曲代行詔從
其請夏四月詔罷修鴨淥江浮梁及漢兵屯戍之役又
以東京留守蕭薩巴言弛東京擊鞠之禁六月戊寅以
蕭寧耶律坦崔禹稱馬世良耶律仁先劉六符克賀宋
生辰使副耶律底成趙成耶律烈張旦克來歲賀宋正
旦使副秋七月壬戌詔諸職官私取官物者以正盜論
諸取以先朝已斷事相告言者罪之諸帳郎君等於禁

地射鹿決三百不徵償小將軍決二百以下及百姓犯者罪同郎君論八月丙戌以醫者鄧延貞治詳袞蕭留寧疾驗贈其父母官以獎之九月辛亥朝皇太后國舅留寧薨庚申皇太后射獲熊上進酒為壽癸亥上獵馬盂山草木蒙密恐獵者誤射傷人命耶律德古各書姓名于矢以志之丙寅夏國獻宋俘以石硬砮太保郭三避虎不射免官冬十月丙戌詔東京留守蕭孝忠察官吏有廉幹清彊者具以名聞庚寅以女直太師塔雅克

為哈斯罕都大王辛卯以皇子庫魯噶里生北宰相駙
馬賽音巴寧迎上至其第飲宴上命衛士與漢人角觝
為樂壬辰飲皇太后殿以皇子生肆赦夕復引公主駙
馬及內族大臣入寢殿劇飲甲午幸中京庚子以駙馬
都尉蕭呼哩為國舅詳袞十一月丙辰回鶻遣使來貢
十二月丙子朔宋遣劉沆王整來賀應聖節乙未置塔
卓卜酋長以和塔拉為平章事上聞宋設關河治壕塹
恐為邊患與南北樞密吳國王蕭孝穆趙國王蕭固寧

謀取宋舊割關南十縣地遂遣蕭英劉六符使宋庚寅
宋遣張沔侯宗亮薛申侍其濬施昌言潘永照來賀永
壽節及來歲正旦以宣政殿學士楊佺為吏部尚書判
順度軍節度使事丁酉議伐宋詔諭諸道

十一年春正月戊申奉迎皇太后于內殿庚戌遣南院
宣徽使蕭特默翰林學士劉六符使宋取晉陽及瓦橋
以南十縣地且問興師伐夏及汾邊疏濬水澤增益兵
戎之故二月壬寅如駕鵞鵲四月甲戌朔南征賞罰

令六月乙亥宋遣富弼張茂實奉書來聘以書答之王
年御含涼殿放進士王實等六十四人禁璫銀鬻入宋
秋七月壬寅朔詔盜易官馬者減死論外路官勤瘁正
直者考滿代不治事者即易之八月丙申宋復遣富弼
張茂實奉書來聘乞增歲幣銀絹以書答之九月壬寅
遣北院樞密副使耶律仁先漢人行宮副部署劉六符
使宋約和是時富弼為上言大意謂遼與宋和坐獲歲
幣則利在國家臣下無與與宋交兵則利在臣下害在

國家上感其言和好始定閏月癸未耶律仁先遣人報
宋歲增銀絹十萬兩匹文書稱貢送至白溝帝喜宴羣
臣于昭慶殿是日振恤三父族之貧者辛卯仁先劉六
符還進宋國誓書冬十一月丁亥羣臣加上尊號曰聰
文聖武英略神功睿哲仁孝皇帝冊皇后蕭氏曰貞懿
宣慈崇聖皇后大赦梁王洪基進封燕國王十二月癸
卯朝皇太后甲辰封皇太弟重元子尼魯古為安定郡
王己酉以宣獻皇后忌日上與皇太后素服飯僧于延

壽憫忠三學三寺辛亥詔蠲預備伐宋諸部租稅一年
壬子以吐渾党項多鬻馬夏國詔謹邊防已未宋遣賀
正旦及永壽節使居邸帝微服往觀丁卯禁喪葬殺牛
馬及藏珍寶

十二年春正月辛卯遣同知析津府事耶律廸里樞密
院都承旨王惟吉諭夏國與宋和壬申以吳國王蕭孝
穆為南院樞密使北府宰相蕭孝忠北院樞密使封楚
王韓國王蕭惠北府宰相同知元帥府事罕巴南院大

王耶律喇實東京留守北院樞密副使耶律仁先同知
東京留守事北面林牙蕭格北院樞密副使甲戌如武
清寨薈淀二月壬寅禁關南漢民弓矢己酉夏國以加
上尊號遣使來賀甲寅耶律廸里等使夏國還奏元昊
罷兵即遣使報宋三月辛卯幸南京壬辰高麗國以加
上尊號遣使來賀夏四月己亥置輝發部詳袞都監庚
子夏國遣使進馬馳五月辛卯韓魯博囉滿達勒二使
來貢失期宥而遣還乙未詔復定禮制是月幸山西六

月丙午詔世選宰相節度使族屬及身為節度使之家
許葬用銀器仍禁殺牲以祭庚戌詔漢人宮分戶絕恒
產以親族繼之辛亥準布大王通特古斯弟太尉薩哈
勒來朝丙辰回鶻遣使來貢甲午以南院樞密使吳國
王蕭孝穆為北院樞密使徙封齊國王秋七月丙寅朔
北院樞密使蕭孝忠薨特釋繫囚庚寅夏國遣使上表
請伐宋不從八月丙申謁慶陵辛丑燕國王洪基加尚
書令知北南院樞密使事封燕趙國王戊午以前西北

路招討使蕭塔喇噶為右伊勒希巴庚申裕悅耶律鴻
觀薨甲子準布來貢九月壬申朝皇太后謁望仙殿壬
午謁懷陵冬十月丁酉駐蹕中會川己亥北院樞密使
蕭孝穆薨追贈大丞相晉國王庚子詔諸路上重囚遣
官詳讞辛亥叅知政事韓紹芳為廣德軍節度使三司
使劉六符長寧軍節度使壬子夏侵党項遣延昌宮使
高嘉努讓之甲子北府宰相蕭惠為北院樞密使幽王
蘇克為特哩袞特哩袞達嚕噶封漆水郡王西北路招

計使樞密副使蕭阿拉同知北院宣徽事出飛龍厰馬
分賜羣臣十一月丁丑追封楚王蕭孝忠為楚國王丁
亥以上京歲儉復其民租稅癸巳朝皇太后十二月戊
申改政事省為中書省

十三年春正月甲子朔朝皇太后戊辰如混同江辛未
獵烏爾袞岡二月庚戌如魚兒灤丙辰以叅知政事杜
防為南府宰相三月丁亥高麗遣使來貢以宣正殿學
士楊佖叅知政事是月置契丹警巡院夏四月己酉遣

東京留守耶律浩善知黃龍府事耶律烏魯斯將兵攻
博囉滿達勒甲寅南院大王耶律果實奏党項等部叛
附夏國丙辰西南面招討都監羅漢努詳袞鄂羅木等
奏山西郡族節度使庫哩以五部叛入西夏乞南北府
兵援送實威塞州戶詔富者遣行餘留屯田天德軍五
月壬戌朔羅漢努奏所發部兵與党項戰不利招討使
蕭普達四捷軍詳袞張佛奴歿於陣李元昊來援叛黨
戊辰詔徵諸道兵會西南邊以討元昊六月甲午準布

酋長烏巴遣其子執元昊所遣來援使阿雅噶來乞以
兵助戰從之駐蹕永安山以將伐夏遣延昌宮使耶律
高嘉努告宋丙申詔前南院大王耶律古雲翰林都林
牙耶律庶成等編集國朝上世以來事蹟丙午高麗遣
使來貢丁未錄囚秋七月辛酉香河縣民李宜兒以左
道惑衆伏誅庚午行再生禮庚辰夏國遣使來朝八月
乙未以夏使對不以情羈之丁巳夏國復遣使來詢以
事宜又不以實對答之九月戊辰宋以親征夏國遣余

靖致賕禮壬申會大軍於九十九泉以皇太弟重元北
院樞密使韓國王蕭惠將先鋒兵西征冬十月庚寅祭
天地丙申獲党項偵人射鬼箭丁酉李元昊上表謝罪
己亥元昊遣使來奏欲收叛黨以獻從之辛亥元昊遣
使來進方物詔北院樞密副使蕭格迓之壬子軍於河
曲格言元昊親率党項三部來詔格詰其納叛背盟元
昊伏罪賜酒許以自新遣之召羣臣議皆以大軍既集
宜加討伐癸丑督數路兵掩襲殺數千人駙馬都尉蕭

呼都克為夏所執丁巳元昊遣使以先被執者來歸詔
所留夏使亦還其國十一月辛酉賜有功將校有差甲
子班師丁卯改雲州為西京辛巳朝皇太后十二月己
丑幸西京戊戌以北院樞密副使耶律迪里為右伊勒
希巴己亥高麗遣使來貢戊申蕭呼都克自夏來歸

十四年春正月庚申以侍中蕭實喇為南院統軍使封
遼西郡王庚午如鴛鴦灤壬午以金吾衛大將軍達魯
噶為伊實大王甲申夏國遣使進鵠以常侍額古德戰

歿命其子錫埒為帥二月庚子朝皇太后駐蹕薩喇樂
三月己卯宋以伐夏師還遣使來賀四月辛亥高麗來
貢閏五月癸丑清暑永安山六月丁卯謁慶陵己卯準
布大王通特古斯率諸酋長來朝庚辰夏國來貢辛巳
以西南面招討使蕭普達戰歿贈同中書門下平章事
秋七月戊申駐蹕中會川冬十月甲子望祀木葉山十
一月壬午朔回鶻阿爾斯蘭遣使來貢甲辰以同知北
院宣徽事蕭阿拉為北府宰相十二月癸丑觀漢軍習

礮射擊刺癸亥決滯獄

十五年春正月乙酉如混同江禁契丹以奴婢鬻與漢人二月乙卯如長春河丙寅博囉滿達勒界海蘭河戶歸詔撫之三月甲申朝皇太后乙酉以應聖節減死罪釋徒以下辛卯朝皇太后丁酉高麗遣使來貢詔諸道歲具獄訟以聞夏四月辛亥禁五京吏民擊鞠戊午罷約尼帳戍軍壬戌以北女直詳袞蕭噶嚕為奚六部大王甲子清暑永安山甲戌博囉滿達勒海蘭河百八十戶

歸六月癸丑以西京留守耶律瑪魯為漢人行宮都
部署叅知政事楊佺出為武定軍節度使戊辰御清涼
殿放進士王棠等六十八人甲戌西北路招討使耶律
達嚕噶坐贓免官秋七月乙酉幽王蘇克薨戊子觀獲
乙未以北院宣徽使埒富為左伊勒希巴前南府宰相
耶律吉遜東北路詳衮丙申籍諸路軍丁酉如秋山辛
丑禁扈從踐民田丁未女直部長扎穆率衆來附加太
師八月癸丑高麗王欽薨遣使來告九月甲辰禁以置

網捕狐兔冬十月己酉駐蹕中會川十一月丁亥以南
院樞密使蕭孝友為北府宰相契丹行宮都部署耶律
仁先南院大王北府宰相蕭格同知北院樞密使事知
伊勒希巴事耶律信先漢人行宮都部署左伊勒希巴
埒富特哩袞漢人行宮都部署耶律迪里左伊勒希巴
已亥渤海部以契丹戶例通括軍馬乙巳賑南京貧民
十二月壬申曲赦徒以下罪是日為聖宗在時生辰

遼史卷十九

欽定四庫全書

遼史卷二十

元中書右丞相總裁托克托等修

本紀第二十

興宗三

十六年春正月己卯如混同江二月庚申如魚兒濼辛酉禁羣臣遇宴樂奏請私事詔世選之官從各部耆舊擇材能者用之三月丁亥如黑水濼癸巳遣使審決雙

州因壬寅大雪夏四月乙巳朔皇太后不豫上馳往視
疾丙午皇太后愈復如黑水灤丁卯肆赦六月戊申清
暑永安山丁巳準布大王通特古斯來朝獻方物戊午
詔士庶言事秋七月辛卯幸慶州自是月至於九月日
射獵於楚布溝錫喇錫倫石塔諸山冬十月辛亥幸中
京謁祖廟丙辰定公主行婦禮於舅姑儀庚午鐵驪星
莽來朝以始入貢加右監門衛大將軍十一月戊寅祠
木葉山己丑幸中京朝皇太后壬辰禁漏泄宮中事十

二月辛丑朔女直遣使來貢辛亥謁太祖廟觀太宗收
晉圖癸丑問安皇太后乙卯以太后愈雜犯死罪咸一
等論徒以下免庚申南府宰相杜防韓紹榮奏事有誤
各以大杖決之出防為武定軍節度使壬戌高麗遣使
來貢

十七年春正月丁亥如春水閏月癸丑射虎於哈爾吉
二月辛巳振貢穩徹木袞是月詔士庶言國家利便不
得及已事奴婢所見許白其主不得自陳夏國王李元

吳薨其子諒祚遣使來告遣永興宮使耶律紐幹哩右
護衛太保耶律轄魯將作少監王全慰奠三月癸卯以
同知南京留守事蕭塔喇噶為左伊勒希巴知右伊勒
希巴事唐古為右伊勒希巴丙午夏李諒祚上其父元
昊遺物丁卯圖伯特國使來乞以本部軍助攻夏國不
許夏四月辛未武定軍節度使杜防復為南府宰相丙
子高麗遣使來貢甲申博囉滿達勒大王佛寧以造舟
人來獻六月庚辰準布獻馬駝二萬辛卯長白山太師

察克輝發部太師薩喇圖來貢方物秋七月丁未裕悅
瑪摩約子布格及伯哩八部額爾奇木和費延等內附
甲寅錄囚減雜犯死罪八月丙戌復南京貧戶租稅戊
子以殿前都點檢耶律義先為行軍都部署中順軍節
度使夏行美副部署東北面詳袞耶律珠展為監軍伐
富珠哩酋托多羅冬十月甲申北院大王耶律罕巴薨
甲午駐蹕都爾嘉十一月乙未朔遣使括馬丁巳賜皇
太弟重元金券封皇子和囉噶為越王阿林許王忠順

軍節度使謝嘉努陳王西京留守特布漢王特哩袞埒
富遼西郡王行宮都部署布古德柳城郡王奉陵軍節
度使海古勒饒樂郡王安定郡王尼魯古進封楚王

十八年春正月甲午朔日有食之戊戌留夏國賀正使
不遣己亥遣北院樞密副使蕭惟信以伐夏告宋辛丑
錄囚丙午如鴛鴦樂丙辰獵拜塔山耶律義先奏富珠
哩捷二月庚辰幸燕趙國王洪基帳視疾乙酉耶律義
先等執托多羅以獻三月乙巳高昌國遣使來貢壬子

以洪基疾愈赦雜犯死罪以下丁巳烏爾古來送款夏
四月癸酉以南府宰相耶律果實為南京統軍使五月
甲辰五國酋長各率其部來附庚戌輝發部長烏達台
吉等來朝戊午五國節度使耶律仙童以降烏爾古叛
人授左監門衛上將軍六月壬戌朔以韓國王蕭惠為
河南道行軍都統趙王蕭孝友漢王特布副之乙丑錄
囚丙寅行十二神禱禮己巳宋以遼師伐夏遣錢逸致
贖庚辰準布來貢馬馳珍玩辛巳夏國使來貢留之不

遣丁亥行再生禮秋七月戊戌親征八月辛酉渡河夏人遁乃還九月丁未蕭惠等為夏所敗冬十月北道行軍都統耶律達魯噶率軍至賀蘭山獲李元昊妻及其官僚家屬遇夏人三千來戰殪之烏爾古德呼勒都詳袞蕭慈實努南剋耶律斡里死焉十二月戊寅慶陵林木火已卯錄囚有弟從兄為強盜者兄弟俱無子特原其弟

十九年春正月庚寅僧惠鑑加檢校太尉庚子耶律達

嚕噶復封漆水郡王諸將校及準布等部酋長各進爵
有差贈蕭慈實努同中書門下平章事辛丑遣使問罪
于夏壬寅如魚兒灤二月丁亥夏將旺布威赫伊特凌
結等攻金肅城南面林牙耶律高嘉努等破之旺布被
創遁去殺威赫伊特凌結三月戊戌殿前都點檢蕭塔
喇台與夏戰于三角川敗之癸卯命西南招討使蕭博
諾北院大王伊遜林牙蕭薩滿等帥師伐夏以行宮都
部署布古德監戰甲辰遣同知北院樞密使蕭格按軍

邊城以為聲援己酉駐蹕息雞淀丙辰幸殿前都點檢
蕭塔喇台駙馬都尉蕭呼都克帳視疾夏四月丙寅如
魚兒樂壬申博囉滿達勒特哩袞錫都來貢甲申高麗
來貢五月己丑如涼陞癸巳蕭博諾等入夏境不與敵
遇縱軍俘掠而還丁酉夏國旺布來降己亥遠夷博索
摩部遣使來貢六月丙辰朔置倒塌嶺都監丙寅謁慶
陵庚午幸慶州謁太安殿壬申詔醫卜屠販奴隸及倍
父母或犯事逃亡者不得舉進士輝發哈斯罕博囉滿

達勒各遣使貢馬甲戌宋遣使來賀伐夏提高麗使俱
至辛巳御金鑾殿試進士秋七月壬辰駐蹕科里巴延
癸巳以燕趙國王洪基領北南樞密院乙未準布長和
塔拉弟諤德來朝加太尉遣之戊戌錄囚戊申以左伊
勒希巴蕭唐古為北院樞密副使壬子獵哈爾吉八月
丁卯準布酋長楚齊格爾巴爾斯來朝九月壬寅夏人
侵邊達魯噶遣六院軍將哈里擊敗之冬十月庚午還
上京辛未夏國王李諒祚母遣使乞依舊稱藩使還詔

諭別遣信臣詣闕當徐思之壬申釋臨潢府役徒甲戌
如中會川十一月甲午準布酋長和塔拉來貢庚戌錄
囚壬子出南府宰相韓知白為武定軍節度使樞密副
使楊績長寧軍節度使翰林學士王綱澤州刺史張宥
徽州刺史知制誥周白海北州刺史閏月乙卯以漢王
特布為中京留守辛未以同知北院樞密使事蕭格為
南院樞密使南院大王耶律仁先知北院樞密使事封
吳王十二月丁亥北府宰相趙王蕭孝友出為東京留

守東京留守蕭塔爾噶為北府宰相南院樞密使潞王察克為南院大王庚戌韓國王蕭惠從封魏王致仕壬子夏國李諒祚依上表乞使舊臣屬

二十年春正月戊戌駐蹕混同江二月甲申遣前北院都監蕭友括等使夏國索党項叛戶己丑如蒼耳樂甲辰吐蕃遣使來貢三月壬子朔幸黑水夏五月癸丑蕭友括等使夏還李諒祚母表乞如党項權進馬馳牛羊等物己巳夏國遣使求唐隆鎮及乞罷所建城邑以詔

答之六月丙戌詔以所獲李元昊妻及前後所俘夏人
安置蘇州以伐夏所獲物遣使遺宋秋七月如秋山九
月詔更定條制駐蹕中會川冬十月己卯朔括諸道軍
籍十一月庚申以特哩袞都監蕭穆魯為左伊勒希巴
甲子命東京留守司總領戶部內省事丁卯罷中丞記
錄職官過犯令承旨總之十二月乙酉以皇太后行再
生禮肆赦

二十一年春正月辛亥如混同江二月如魚兒濼夏四

月癸未以國舅詳袞蕭阿拉為西北路招討使封西平
郡王六月丙子駐蹕永安山秋七月甲辰朔召北府宰
相蕭塔喇噶南府宰相漢王特布南院樞密使蕭格知
北院樞密使事仁先等賜坐論古今治道戊申祀天地
已酉詔北南樞密院日再奏事壬子追尊太祖之祖為
簡獻皇帝廟號玄祖祖妣為簡獻皇后太祖之考為宣
簡皇帝廟號德祖妣為宣簡皇后追封太祖伯父額爾
奇木葉穆為蜀國王裕悅實魯為隋國王以燕趙國王洪

基為天下兵馬大元帥知特哩衮事詔諭之癸亥近侍
實達爾鄂博偽學御畫免死配役終身甲子如秋山戊
辰謁慶陵以南院樞密使蕭格為北院樞密使封吳王
辛未如慶州壬申追封太祖弟伊德實為許國王八月
戊子太尉烏哲薨詔配享聖宗廟九月乙卯平州進白
兔己未謁懷陵庚申追上嗣聖皇帝天順皇帝尊謚
更謚彰德皇后曰靖安癸亥謚齊天皇后曰仁德皇后甲
子謁祖陵增太祖謚大聖大明神烈天皇帝更謚貞烈

皇后曰淳欽恭順皇帝曰章肅后蕭氏謚曰和敬冬十月戊寅駐蹕中會川丁亥夏國李諒祚遣使乞弛邊備即遣蕭友括奉詔諭之戊子幸顯懿二州甲午遼興軍節度使蕭實刺封鄭王南院大王潞王察克爲南院樞密使進封越國王戊戌射虎於南薩哈巴辛丑謁乾陵十一月壬寅朔增謚文獻皇帝爲文獻欽義皇帝及謚二后曰端順曰柔貞復更謚世宗孝烈皇后爲懷節丁未增孝成皇帝謚曰孝成康靖皇帝更謚聖神宣獻皇

后為睿智甲子次中會川回鶻阿爾斯蘭遣使貢名馬
文豹丙寅錄因十二月戊戌以北府宰相塔喇噶為南
京統軍使鄭王寶喇北府宰相契丹行宮都部署耶律
義先特哩袞釋役徒限年者

二十二年春正月乙巳如混同江二月丙子回鶻阿爾
斯蘭為隣國所侵遣使求援庚辰如春水三月癸亥李
諒祚以賜詔許降遣使來謝丙寅如黑水濼夏四月戊
子獵鶴淀五月壬寅詔內地州縣植果六月壬申駐蹕

呼哩山癸未高麗來貢秋七月己酉準布大王通特古
斯率諸部長獻馬馳庚申如黑嶺閏月庚午烏爾古來
貢癸巳長春州置錢帛司九月壬辰夏國李諒祚遣使
進降表甲午遣南面林牙高嘉努等奉詔撫諭冬十月
丙申朔日有食之十一月辛卯詔諸職事官以禮受代
及以罪去者置籍歲申樞密院十二月丙申朔詔回鶻
部副使以契丹人充庚子應聖節曲赦徒以下罪壬子
詔大臣曰朕與宋主約為兄弟歡好歲久欲見其繪像

可諭來使

二十三年春正月己巳如混同江癸酉獵雙子淀戊子
夏國遣使來貢方物壬辰如春水甲午獵盤直坡三月丁
亥幸皇太弟重元帳夏四月癸卯高麗遣使來貢癸丑
獵和濟格爾五月己丑李諒祚乞進馬馳詔歲貢之庚
寅駐蹕永安山壬辰夏國遣使來貢六月丙申如慶州
己亥謁慶陵壬寅高麗王徽請官其子詔加檢校太尉
辛亥吐蕃遣使來貢秋七月己巳夏國李諒祚遣使來

求婚甲戌如秋山已邛詔八房族中憤九月庚寅獵遇
三虎縱犬獲之冬十月丁酉駐蹕中京戊戌幸新建祕
書監辛丑有事於祖廟癸丑以開泰寺鑄銀佛像曲赦
在京囚丙子李諒祚遣使進誓表十一月乙丑準布部
長來貢壬申帝率羣臣上皇太后尊號曰仁慈聖善欽
孝廣德安靜貞純懿和寬厚崇覺儀天皇太后大赦內
外官進級有差癸未錄囚甲申羣臣上皇帝尊號曰欽
天奉道祐世興厯武定文成聖神仁孝皇帝冊皇后蕭

氏曰貞懿慈和文惠孝敬廣愛崇聖皇后十二月丙申如中會川

二十四年春正月癸亥如混同江戊辰朝皇太后辛巳宋遣使來賀饋馴象二月己丑朔召宋使釣魚賦詩癸巳如長春河甲寅夏國遣使來賀三月癸亥皇太弟重元生子曲赦行在及長春鎮北二州徒以下罪夏五月駐蹕南崖秋七月壬午如秋山次南崖之北峪不豫八月丁亥疾大漸召燕趙國王洪基諭以治國之要戊子

大赦縱五坊鷹鷂焚釣魚之具己丑帝崩于行宮年四十遺詔燕趙國王洪基嗣位清寧元年十月庚子上尊謚為神聖孝章皇帝廟號興宗

贊曰興宗即位年十有六矣不能先尊母后而尊其母以致臨朝專政賊殺不辜又不能以禮幾諫使齊天死於弑逆有虧王者之孝惜哉若夫大行在殯飲酒博鞠壘見簡書及其謁遺象而哀慟受宋弔而哀經所為若出二人何為其然與至於感富弼之言而申南宋之好

許諒祚之盟而罷西夏之兵邊鄙不聳政事內修親策
進士大修條制下至士庶得陳便宜則求治之志切矣
于時左右大臣曾不聞一賢之進一事之諫欲庶幾古
帝王之風其可得乎雖然聖宗而下可謂賢君矣

遼史卷二十

欽定四庫全書

遼史卷二十一

元中書右丞相總裁托克托等修

本紀第二十一

道宗一

道宗孝文皇帝諱洪基字納琳小字察喇興宗皇帝長
子母曰仁懿皇后蕭氏六歲封梁王重熙十一年進封
燕國總領中丞司事明年總北南院樞密使事加尚書

令進封燕趙國王二十一年為天下兵馬大元帥知特里
衮事預朝政帝沈靜嚴毅每朝興宗為之飲容二十
四年八月己丑興宗崩即皇帝位於柩前哀慟不聽政
辛卯百僚上表固請許之詔曰朕以菲德託居士民之
上第恐智識有不及羣下有未信賦歛妄興賞罰不中
上恩不能及下下情不能達上凡爾士庶直言無諱可
則擇用否則不以為愆卿等其體朕意壬辰以皇太弟
重元為皇太叔免漢拜不名癸巳遣使報哀於宋及夏

高麗甲午遣重元安撫南京軍民戊戌以遺詔命西北
路招討使西平郡王蕭阿拉為北府宰相仍權知南院
樞密使事北府宰相蕭實喇為武定軍節度使辛丑改
元清寧大赦九月戊午詔常所幸園場外無禁庚申詔
護衛士外不得佩刀入宮非勲戚後及額爾奇木副使
承應職事人不得冠巾壬戌詔額爾奇木及副使之族
并民奴賤不得服塔納水獺裘刀柄兔鶻鞍勒珮子不
許用犀玉果勒圖犀惟大將軍不禁乙丑賜內外臣僚

爵賞庚午尊皇太后為太皇太后辛未遣左伊勒希巴
蕭穆魯翰林學士韓運以先帝遺物遺宋癸酉遣使以
即位報宋丙子尊皇后為皇太后宴啟塗殿以上京留
守宿國主辰賚為南京留守壬午遣使賜高麗夏國先
帝遺物冬十月丁亥有司請以帝生日為天安節從之
以吳王仁先同知南京留守事陳王圖伯特為南府宰
相進封吳王壬寅以順義軍節度使實紳努為南院大
王十一月甲子葬興宗皇帝於慶陵宋及高麗遣使來

會名具山曰永興丙寅以南院大王海古勒為中京留守北府宰相西平郡王蕭阿拉進封韓王壬申次懷州有事於太宗穆宗廟甲戌謁祖陵戊寅冬至有事於太祖景宗興宗廟不受賀十二月丙戌詔左伊勒希巴曰朕以眇冲獲嗣大位夙夜憂懼恐弗克任欲聞直言以匡其失今已數月未見所以副朕委任股肱耳目之意其令內外百官比秩滿各言一事仍轉諭所部無貴賤老幼皆得直言無諱戊子應聖節上太皇太后壽宴羣

臣命婦冊妃蕭氏為皇后進封皇弟越王和囉噶為魯國王許王阿林為陳國王楚王尼嚕古徙封吳王辛卯詔部署院事有機密即奏其投謗訛書輒受及讀者並棄市癸巳皇族實公悖母伏誅甲午以樞密副使姚景行為參知政事翰林學士吳湛為樞密副使參知政事同知樞密院事韓紹文為上京留守丙申宋遣歐陽修等來賀即位戊戌詔設學養士頒五經傳疏置博士助教各一員癸卯以知涿州楊續參知政事兼同知樞密

院事庚戌以聖宗在時生辰赦上京囚是年御清涼殿放進士張孝傑等四十四人

二年春正月丙辰詔諸州郡官及僚屬決囚諸部族例已已詔二孟古部與世預宰相節度使選者免皮室軍是月幸魚兒濼二月乙酉以左伊勒希巴蕭穆魯知西南面招討都監事乙巳以興宗在時生辰宴羣臣命各賦詩三月丁巳應聖節曲赦百里內囚已卯御製放鷹賦賜羣臣諭任臣之意閏月己亥始行東京所鑄錢乙

已南京獄空進留守以下官夏四月甲子詔曰方夏長
養鳥獸孳育之時不得縱火於郊五月戊戌謁慶陵甲
辰有事於興宗廟六月丁巳詔宰相舉才能之士戊午
命有司籍軍補邊戊辛酉準布酋長來朝貢方物丁卯
高麗遣使來貢辛未罷史官預聞朝議俾問宰相而後
書乙亥中京蝗災丙子詔強盜得實者聽諸路決之丁
丑南院樞密使趙國王察克為上京留守同知南京留
守事吳王仁先為南院樞密使乙酉遣使分道平賦稅

繕戎器勸農桑禁盜賊八月辛未如秋山九月庚子幸
中京祭聖宗興宗於會安殿冬十月丙子如中會川十
一月戊戌知左伊勒希巴事耶律華喇為伊勒希巴北
院大王耶律仙童知黃龍府事甲辰文武百僚上尊號
曰天祐皇帝后曰懿德皇后大赦乙巳以皇太叔重元
為天下兵馬大元帥徙封趙國王察克為魏國王魯國
王和囉噶為宋國王陳國王阿林為秦國王吳王尼嚕
古進封楚國王百官進遷有差十二月戊申朔以韓王

蕭阿拉為北院樞密使東京留守宿國王辰賁北府宰相宋國王和囉噶上京留守秦國王阿林知中丞司事甲寅上皇太后尊號曰慈懿仁和文惠孝敬廣愛宗天皇太后

三年春正月庚辰如鴨子河丙戌置倒塌嶺節度使乙未五國部長來貢方物二月己未如大魚灘三月辛巳以楚國王尼嚕古為武定軍節度使夏四月丙辰清暑永安山五月己亥如慶陵獻酎於金殿同天殿六月辛

未魏國王察克為特哩袞同知樞密院事蕭唐古南府
宰相魏國王特布東京留守秋七月甲申南京地震赦
其境內乙酉如秋山八月辛亥帝以君臣同志華夷同
風詩進皇太后九月庚子幸中會川冬十月己酉謁祖
陵庚申謁讓國皇帝及世宗廟辛酉奠酎於玉殿十一
月丙子左伊勒希巴蕭穆魯為契丹行宮都部署庚子
高麗遣使來貢十二月庚戌禁職官於部內假貸貿易
戊辰太皇太后不豫曲赦行在五百里內囚已巳太皇

太后崩

四年春正月壬申朔遣使報哀於宋夏如鴨子河釣魚
癸酉宋遣使奉宋主繪像來丁亥知易州事耶律佛德
秩滿部民乞留許之二月丙午詔伊勒希巴諸路鞠死
罪獄具仍令別州縣覆案無冤然後決之稱冤者即具
奏庚戌如魚兒灤三月戊寅募天德鎮武東勝等處勇
捷者籍為軍甲午肆赦夏四月甲辰謁慶陵丁卯宋遣
使弔癸五月庚午朔上大行太皇太后尊諡曰欽哀皇

后癸酉葬慶陵夏國高麗遣使來會乙酉如永安山清
署六月乙丑以北院樞密使鄭王蕭格為南院樞密使
徙封楚王南院樞密使吳王仁先為北院樞密使秋七
月辛巳制諸掌內藏庫官盜兩貫以上者許奴婢告壬
午獵于黑嶺冬十月戊戌朔同知東京留守事海古勒
為南院大王保安軍節度使希達為奚六部大王十一
月癸酉行再生及柴冊禮宴羣臣於八方陂庚寅御清
風殿受大冊禮大赦以吳王仁先為南京兵馬副元帥

徙封隋王壬午謁太祖及諸帝宮丙戌祠木葉山禁造
玉器十二月辛丑弛塔納水獺裘之禁乙巳許士庶畜
鷹辛亥南院樞密使楚王蕭格復為北院樞密使閏月
己巳賜皇太叔重元金券是歲皇子濬生

五年春如春州夏六月甲子朔駐蹕納克樂己丑南院
樞密使蕭阿蘇為北府宰相樞密副使耶律伊遜南院
樞密使特哩袞察克遼興軍節度使魯王謝嘉努武定
軍節度使東京留守吳王特布西京留守秋七月丁酉

以烏爾古德呼勒詳袞蕭穆魯為左伊勒希巴冬十月
壬子朔幸南京祭興宗於嘉寧殿十一月禁獵十二月
壬戌以北院林牙奚瑪魯為右伊勒希巴叅知政事吳
湛以弟洵冒入仕籍削爵為民是年上御百福殿放進
士梁援等百一十五人

六年春如駕鵞鵲夏五月戊子朔監修國史耶律伯請
編次御製詩賦即命為序己酉駐蹕納克灤六月戊午
朔以東北路女直詳袞高嘉努為特哩袞壬戌遣使錄

因丙寅中京置國子監命以時祭先聖先師癸未以隋
王仁先為北院大王賜御製誥冬十月甲子駐蹕藕絲
淀

七年春三月庚戌如春州以耶律伊遜知北院樞密使
事夏四月辛未禁吏民畜海東青鶻五月丙戌清暑永
安山丙午謁慶陵辛未殺東京留守陳王蕭阿拉六月
壬子朔日有食之甲子以蕭穆魯為順義軍節度使丁
卯幸弘義永興崇德三宮致祭射柳賜宴賞賚有差戊

辰行再生禮復命羣臣分朋射柳丁丑以楚國王尼嚕
古知南院樞密使事秋九月丁丑駐蹕藕絲淀冬十一
月壬午以知黃龍府事耶律阿勒扎為南院大王

遼史卷二十一

欽定四庫全書

遼史卷二十二

元中書右丞相總裁托克托等修

本紀第二十二

道宗二

八年春正月癸丑如鴨子河二月駐蹕納克樂三月戊申朔楚王蕭格致仕進封鄭國王夏五月武都溫特哩袞圖圖爾噶等乞歲貢馬駝許之六月駐蹕圖古勒辛

丑以右伊勒希巴奚瑪魯為奚六部大王是月御清涼殿放進士王鼎等九十三人秋七月甲子射熊於愛賓拉冬十月甲戌朔駐蹕都爾嘉十二月庚辰以知北院樞密使事蕭特古斯為北院樞密使癸未幸西京戊子以皇太后行再生禮曲赦西京囚

九年春正月辛駕鵞鵲辛未禁民鬻銅三月辛未宋主禎殂以姪曙為子嗣位夏五月丙午隋王仁先為南院樞密使徙封許王清暑赫呀蘇秋七月丙辰如太子山

戊午皇太叔重元與其子楚國王尼嚕古及陳國王辰
祿同知北院樞密使事蕭呼都克衛王特布林牙聶羅
布爾古統軍使蕭達勒達駙馬都尉參及弟珠展圖古
勒旗鼓伊喇詳袞耶律果玖文班太保希卜蘇內藏提
點烏爾古護衛左太保特卜庫諳達副官使罕嘉努寶
神努等凡四百人誘脅弩手軍犯行宮時南院樞密使
許王仁先知北樞密院事趙王耶律伊遜南府宰相蕭
唐古北院宣徽使蕭罕嘉努北院樞密副使蕭惟信敕

睦宮使耶律良等率宿衛士卒數千人禦之尼嚕古躍馬突出將戰為近侍詳袞渤海阿蘇護衛蘇射殺之已未族逆黨家庚申重元亡入大漠自殺辛酉詔諭諸道壬戌以仁先為北院樞密使進封宋王加尚父耶律伊遜南院樞密使罕嘉努殿前都點檢封荆王蕭惟信耶律馮嘉努並加太子太傅宿衛官蕭伊遜回鶻海蘭紐幹哩耶律托卜嘉阿蘇宮分人濟嚕克錫默伊遜珠嚕並加上將軍諸護衛及士卒庖夫弩手傘子等三百餘

人各授官有差耶律良密告重元變命籍橫帳額爾奇
木房為漢人行宮都部署癸亥特布訴為重元等所脅
詔削爵流鎮州戊辰以黑白羊祭天八月庚午朔遣使
安撫南京吏民癸酉以永興宮使耶律托卜嘉有定亂
功為同知點檢司事冬十月戊辰朔幸興王寺庚午以
六部院太保耶律和卓知南院大王事是月駐蹕藕絲
淀十一月辛丑以南院宣徽使蕭玖格為北府宰相已
未追封故富春郡王耶律義先為許王是歲封皇子濬

為梁王

十年春正月己亥北幸二月禁南京民決水種粳稻秋
七月壬申詔決諸路囚辛巳禁僧尼私詣行在妄述禍
福取財物九月壬寅幸懷州謁太宗穆宗廟冬十月壬
辰朔駐蹕中京戊午禁民私刊印文字十一月甲子定
吏民衣服之制辛未禁六齋日屠殺丁丑詔求乾文閣
所闕經籍命儒臣校讐庚辰彰國軍節度使韓色實為
特哩袞詔南京不得私造御用綵段私貸鐵及非時飲

酒命南京三司每歲春秋以官錢饗將士十二月癸巳
北院大王蕭烏爾古納為契丹行宮都部署是歲南京
西京大熟

咸雍元年春正月辛酉朔文武百僚加上尊號曰聖文
神武全功大略廣智聰仁睿孝天祐皇帝改元大赦冊
梁王濬為皇太子内外官賜級有差甲子如魚兒濼庚
寅詔諸遇正旦重午冬至別表賀東宮三月丁亥以知
興中府事楊績知樞密院事夏四月辛卯以知樞密院

事張嗣復疾改知興中府事庚子清暑圖古勒五月辛巳夏國遣使來貢秋七月丙子皇太后射獲熊獐賚百官有差八月丙申客星犯天廟詔諸路備盜賊嚴火禁九月乙亥駐蹕藕絲淀丁丑左伊勒希巴繹古為孟父詳袞冬十月丁亥朔幸醫巫閭山己亥皇太后射獲虎大宴羣臣令各賦詩十一月壬戌有星如斗逆行隱隱有聲十二月甲午以遼王仁先為南京留守徙封晉王辛亥以南京留守蕭惟信為左伊勒希巴壬子熒惑與

月並行自旦至午

二年春正月丁巳如鴨子河宋賀正使王嚴卒以禮送
還癸未幸山榆淀二月甲午召武定軍節度使姚景行
問以治道拜南院樞密使三月辛巳以南北路詳衮耶
律韓福努為北院大王壬午彗星見於西方夏四月霖
雨五月乙亥駐蹕圖古勒辛巳以戶部使劉詵為樞密
副使六月丙戌回鶻來貢甲辰準布來貢秋七月癸丑
朔以西北路招討使蕭珠展為北府宰相左伊勒希巴

蕭惟信南院樞密使同知南院樞密使事耶律伯特哩
衮南院樞密使事姚景行致仕庚申錄囚辛酉景行復前
職丁卯如藕絲淀以歲旱遣使賑山後貧民九月壬子
朔日有食之以參知政事韓孚為樞密副使冬十二月
壬午以知樞密院事楊績為南院樞密使樞密副使劉
詵叅知政事戊子僧守志加守司徒丁酉以西京留守
和卓為南院大王辛丑以蕭珠展為武定軍節度使是
年御永安殿放進士張臻等百一人

三年春正月辛亥如鴨子河甲子御安流殿釣魚三月
癸亥宋主曙殂子頊嗣位遣使告哀即遣右護衛太保
蕭托卜嘉翰林學士陳覺等弔祭閏月丁亥扈駕軍營
火賜錢粟及馬有差辛卯駐蹕春州北淀乙巳以蕭烏
爾古納為北府宰相夏五月壬辰駐蹕納克樂壬寅賜
隨駕諸官工人馬六月戊申有司奏新城縣民楊從謀
反偽署官吏上曰小人無知此兒戲耳流其首惡餘釋
之庚戌宋遣使饋其先帝遺物辛未宋以即位遣陳襄

來報即遣知黃龍府事蕭特古斯中書舍人馬絃往賀
壬戌南府宰相韓王蕭唐古致仕壬申以廣德軍節度
使耶律瑞努為南府宰相度支使趙徽叅知政事秋七
月辛丑熒惑晝見凡三十五日九月戊戌詔給諸路囚
糧癸卯幸南京冬十一月壬辰夏國遣使進回鶻僧金
佛梵覺經十二月丁未以叅知政事劉詵為樞密副使
東北路詳衮果巴南院大王樞密直學士張孝傑叅知
政事己酉以張孝傑同知樞密院事丁巳行再生禮赦

死罪以下是月夏國王李諒祚薨是歲南京旱蝗

四年春正月甲戌朔日有食之丙子如鴛鴦樂辛巳改
易州兵馬使為安撫使丁亥獵炭山辛卯遣使振西京
饑民二月甲辰朔詔元帥府募軍壬子夏國王李諒祚
子秉常遣使告哀癸丑頒行御製華嚴經贊丁卯北行
三月丙子遣使夏國弔祭甲申振應州饑民乙酉詔南
京除軍行地餘皆得種稻庚寅振朔州饑民乙未夏國
李秉常遣使獻其父諒祚遺物夏四月戊午阿爾斯蘭

回鶻來貢五月丙戌駐蹕圖古勒六月壬子西北路雨
穀方三十里丙寅以北院林牙耶律卓克箕為北院大
王右伊勒希巴蕭素颯中京留守秋七月壬申置烏爾
古德呼勒都統軍司丙子獵黑嶺南京霖雨地震九月
己亥駐蹕藕絲淀冬十月辛亥曲赦南京徒罪以下囚
永清武清安次固安新城歸義容城諸縣水復一歲租
戊辰冊李秉常為夏國王十二月辛亥夏國遣使來貢
五年春正月準布叛以晉王仁先為西北路招討使領

禁軍討之夏六月己亥駐蹕圖古勒丙午吐蕃遣使來貢壬戌以南院樞密使蕭惟信知北院樞密使事秋七月乙丑朔日有食之戊辰夏國遣使來謝封冊癸未詔禁皇族恃勢侵漁細民八月謁慶陵九月戊辰仁先遣人奏準布提冬十月己亥駐蹕藕絲淀十一月丁卯詔四方館副使止以契丹人充丁丑五國博和哩部叛命蕭素颯討之閏月戊申夏國王李秉常遣使乞賜印綬己未僧志福加守司徒十二月甲子行皇太子再生禮

戒諸路徒以下罪一等乙丑詔百官廷議國政甲戌五
國來降仍獻方物

六年春正月甲午如千鵝樂二月丙寅準布來朝貢方
物夏四月癸未西北路招討司以所降準布酋長至行
在五月甲辰清暑圖古勒甲寅設賢良科詔應是科者
先以所業十萬言進六月辛巳準布來朝乙酉特哩袞
耶律伯為中京留守是月御永安殿放進士趙廷睦等
百三十八人秋七月辛亥獵和羅努克特八月丙子耶

律伯薨追封遼西郡王九月庚戌幸藕絲淀甲寅以馬
希白詩才敏妙十吏書不能給召試之冬十月丁卯五
國部長來朝壬申西北路招討司擒準布酋長來獻十
一月乙卯禁鬻生熟鐵於回鶻準布等界十二月戊午
加圓釋法鈞二僧並守司空己未以坤寧節赦徒罪以
下辛酉禁漢人捕獵

七年春正月戊子如鴨子河二月乙丑女直進馬丙寅
以南院樞密使姚景行知興中府事三月己酉以討五

國功加知黃龍府事蒲延懷化軍節度使高元紀易州
觀察使高正並千牛衛上將軍五國節度使蕭托斯和
寧江州防禦使大榮並靜江軍節度使韋黑水夏四月
癸酉如納克灤乙亥禁布帛短狹不中尺度者六月己
卯吐蕃來貢癸未南院大王果巴致仕秋七月甲申朔
以東北路詳袞哈爾吉為南院大王西南面招討使實
德努為奚六部大王己丑遣使按問五京囚庚子如藕
絲淀八月辛巳置佛骨於招仙浮圖罷獵禁屠殺冬十

月己卯如醫巫閭山壬戌以南府宰相耶律瑞努為南
京統軍使戊辰謁乾陵庚辰詔百官廷議國事十一月
戊子免南京流民租己丑振饒州饑民丙午高麗遣使
來貢十二月壬子以契丹行宮都部署耶律呼圖克知
北院樞密使事知北院樞密使事蕭惟信為南府宰相
兼契丹行宮都部署丁巳漢人行宮都部署李仲禧北
院宣徽使劉霖樞密副使王觀都承旨楊興功各賜國
姓戊寅回鶻來貢是歲春州斗粟六錢

遼史卷二十二

欽定四庫全書

遼史卷二十三

元中書右丞相總裁托克托等修

本紀第二十三

道宗三

八年春正月癸未烏爾古德喀勒詳袞耶律超等奏北
邊捷以戰多殺人飯僧南京中京甲申如魚兒濼壬寅
昏霧連日二月丙辰北南樞密院言無事可陳壬戌以

討北部功烏爾古德喀勒詳衮耶律超知北院大王事
都監蕭阿魯忒烏爾古德喀勒詳衮加左監門衛上將
軍歲饑免武安州租稅振恩蔚順惠等州民三月癸卯
有司奏春泰寧江三州三十餘人願為僧尼受具足戒
許之夏四月壬子振義饒二州民丁巳駐蹕圖塔實巳
郊清暑圖古勒五月壬午晉王仁先薨六月甲寅振易
州貧民已未振中京甲子振中興府甲戌封北府宰相
楊績為趙王樞密副使耶律觀參知政事兼知南院樞

密使事丁丑高麗遣使來貢秋七月己卯慶州斬文高
八世同居詔賜爵丙申振饒州饑民丁酉幸黑嶺丁未
以御書華嚴經五頌示羣臣閏月辛未射熊於殺羊山
八月庚辰混同郡王海古勒薨遣使致祭九月甲子駐
蹕藕絲淀冬十月己丑參知政事耶律觀矯制營私第
降為庶人癸巳回鶻來貢十一月庚戌免祖州稅丙辰
大雪許民樵採禁地丁卯賜延昌宮貧戶錢十二月戊
辰漢人行宮都部署耶律仲禧封韓國公樞密副使參

知政事趙徽出為武定軍節度使樞密副使柴德滋參
知政事漢人行宮副部署耶律大悲努陞都部署同知
南院樞密使事蕭罕嘉努知左伊勒希巴事丁丑以坤
寧節大赦庚寅賜高麗佛經一藏

九年春正月丁未如雙灤夏四月壬辰如旺國崖秋七
月甲辰獵大熊山戊申烏爾古德呼勒統軍言八錫林
德呼勒人殺節度使以叛詔威烏爾古部軍分擊之丙
寅南京奏歸義涑水兩縣蝗飛入宋境餘為蜂所食八

月丙申以耶律仲禧為南院樞密使九月癸卯駐蹕都爾嘉冬十月幸陰山遂如西京十一月戊午詔行幸之地免租一年甲子南院大王哈爾吉致仕十二月辛未以知北院樞密使事耶律伊遜為中京留守南院宣徽使耶律薩喇為南院大王壬辰高麗夏國竝遣使來貢十年春正月乙卯如駕鶯鶯濼二月癸未蠲平州復業民租賦戊子準布來貢三月甲子如圖古勒以耶律超為北院大王夏四月旱辛未以奚人達魯三世同居賜官

旌之五月丙寅錄囚六月戊辰親出題試進士壬申詔
臣庶言得失丙子御永安殿策賢良秋七月丙辰如秋
山癸卯謁慶陵九月庚戌幸東京謁二儀五鸞殿癸亥
祠木葉山冬十月丁卯駐蹕藕絲淀丁丑詔有司頒行
史記漢書十一月戊午高麗遣使來貢十二月辛巳改
明年為太康大赦

太康元年春正月乙未如混同江壬寅振雲州饑二月
丁卯祥州火遣使恤災乙酉駐蹕大魚濼丁亥以獲鵝

加鷹坊使耶律揚魯為工部尚書三月乙巳命皇太子
寫佛書夏四月丙子振平州饑乙酉如犢山閏月丙午
振平灤二州饑庚戌皇孫延禧生五月甲子賜妃之親
及東宮僚屬爵有差六月癸巳以興聖宮使奚謝嘉努
知奚六部大王事戊戌知三司使事韓操以錢穀增羨
授三司使癸卯遣使按諸路囚以特哩衮大悲努為始
平軍節度使參知政事柴德滋武定軍節度使乙卯吐
蕃來貢丙辰詔皇太子總領朝政仍戒諭之以武定軍

節度使趙徽為南府宰相樞密副使楊遵勗參知政事
秋七月辛酉朔獵平地松林丙寅振南京貧民八月庚
寅朔日有食之九月乙亥駐蹕藕絲淀己卯以南京饑
免租稅一年仍出錢粟振之冬十月西北路酋長希斯
吹丹雙寬等來降十一月辛酉皇后被誣賜死殺伶人
趙惟一高長命竝藉其家屬十二月己丑以南京統軍
使耶律瑞努為特哩袞漢人行宮都部署耶律霖樞密
副使同知東京留守事蕭道拉伊勒希巴庚寅賜張孝

傑國姓壬辰以西京留守事蕭雅嚙為左伊勒希巴

二年春正月己未如春水庚辰駐蹕雙灤二月戊子振
黃龍府饑癸丑南京路饑免租稅一年三月辛酉皇太
后崩壬戌遣殿前副點檢耶律轄呼報哀於宋癸亥遣
使報哀於高麗夏國丁卯大赦戊寅以皇太后遺物遣
使遺宋夏六月乙酉朔上大行皇太后尊諡曰仁懿皇
后戊子宋及高麗夏國各遣使弔祭甲午葬仁懿皇后
於慶陵己亥駐蹕圖古勒壬寅出北院樞密使魏王耶

律伊遜為中京留守丁未冊皇后蕭氏封其父祗候郎君必埒哩為趙王叔西北路招討使額哩頁遼西郡王漢人行宮都部署駙馬都尉錫默柳城郡王參知政事楊遵勗知南院樞密使事北院樞密副使蕭蘇色知北院樞密使事漢人行宮副部署劉詵參知政事己酉南府宰相趙徽致仕秋七月戊辰如秋山癸酉柳城郡王錫默薨八月庚寅獵遇麋失其母憫之不射九月戊午以南京蝗免明年租稅己卯駐蹕藕絲淀冬十月戊戌

召中京留守魏王耶律伊遜復為北院樞密使十一月
甲戌上欲觀起居注修注郎布當及和爾沁等不進各
杖二百罷之流林牙蕭岩壽於威部是月南京地震民
舍多壞十二月己丑以左伊勒希巴蕭托卜嘉為南院
統軍使

三年春正月癸丑如混同江乙卯省諸道春貢金帛及
停周歲所輸尚方銀二月壬午朔東北路統軍使蕭罕
嘉努加尚父封吳王甲申詔北院樞密使魏王耶律伊

遜同母兄達納同母弟阿蘇世預北南院樞密之選異
母諸弟世預額爾奇木之選己丑如魚兒濼辛卯中京
饑罷巡幸夏四月乙酉泛舟黑龍江五月丙辰玉田安
次蠟傷稼癸亥日中有黑子己巳駐蹕犢山乙亥北院
樞密使耶律伊遜奏右護衛太保察喇等告北院樞密
使蕭蘇色等八人謀立皇太子上以無狀不治出蘇色
等三人補外護衛薩巴等六人各鞭百餘徙於邊丙子
以西北路招討使遼西郡王蕭額哩頁為北府宰相兼

知契丹行宮都部署事戊寅詔告謀逆事者重加官賞
六月己卯朔耶律伊遜令牌印郎君蕭額圖瑋誣首嘗
預蘇色等謀籍其姓名以告即命伊遜及耶律仲禧蕭
額哩頁耶律孝傑楊遵勗雅克綽奇蕭錫沙等鞠治杖
皇太子囚之宮中辛巳殺宿直官德埒哩等三人壬午
殺宣徽使托卜嘉等二人癸未殺始平軍節度使薩喇
等十人又遣使殺上京留守蘇色及已徙護衛薩巴等
六人乙酉殺耶律托卜嘉及其弟辰賚丙戌廢皇太子

為庶人囚之上京己丑回鶻來貢殺東京留守同知耶律和勒博辛卯殺蘇色等諸子籍其家戊申遣使按五京諸道獄秋七月辛亥護衛太保察喇加鎮國大將軍預圖魯卜部節度使之選室韋察喇及蕭保神努穆爾古並加左衛大將軍牌印郎君額圖琿尚皇女趙國公主授駙馬都尉始平軍節度使祇候郎君耶律托卜嘉及蕭特古斯並加監門衛上將軍壬子知北院樞密副使蕭罕嘉努為漢人行宮都部署乙丑如秋山丁丑謁

慶陵八月庚寅漢人行宮都部署蕭罕嘉努薨辛丑謁
慶陵九月癸亥玉田貢嘉禾壬申修乾陵廟冬十月辛
丑駐蹕藕絲淀十一月北院樞密使耶律伊遜遣其私
人盜殺庶人濬於上京閏十二月戊午以北府宰相遼
西郡王蕭額哩頁知北院樞密使事左伊勒希巴耶律
雅克為契丹行宮都部署丙寅預行正旦禮是歲南京
大熟

四年春正月庚辰如春水甲午振東京饑二月乙丑駐

蹕薩古雅戊辰東路統軍使耶律旺玖為特哩衮夏四月辛亥高麗遣使乞賜鴨綠江以東地不許五月丙戌駐蹕散水原六月甲寅準布諸酋長進良馬秋七月甲戌諸路奏飯僧尼三十六萬八月癸卯詔有司決滯獄九月乙未駐蹕藕絲淀庚子五國部長來貢冬十月癸卯以參知政事劉伸為保靜軍節度使十一月丁亥禁士庶服用錦綺日月山龍之文己丑回鶻遣使來貢庚寅南院樞密使耶律仲禧為廣德軍節度使辛卯錦州

民張寶四世同居命諸子三班院祇候十二月丁卯以
北院樞密副使耶律霖知北院樞密使事

遼史卷二十三

遼史卷二十三考證

十年 按通鑑是年為宋神宗熙寧七年二月遼使蕭
禧來議疆事遣太常少卿劉忱報之八年三月蕭禧
復來遣知制誥沈括報之七月以王安石言詔韓鎮
如河東割地七百里以畀遼遂為異日興兵之端契
丹國志蕭禧作蕭扈書此事時日皆同而紀皆失載
謹附識

太康三年壬午殺宣徽使托卜嘉等二人乙酉殺耶律

托卜嘉及其弟辰瑠 按蕭托卜嘉耶律托卜嘉二人同名同死一事考蕭托卜嘉傳未嘗為宣徽使耶律托卜嘉傳則以宣徽使見殺是死於壬午者為耶律托卜嘉乙酉所殺者為蕭托卜嘉不應為耶律托卜嘉也第二人傳無日可考今仍其舊而訂正之

遼史卷二十三考證

欽定四庫全書

遼史卷二十四

元中書右丞相總裁托克托等修

本紀第二十四

道宗四

五年春正月壬申如混同江癸酉賜宰相耶律孝傑名
仁傑乙亥如山榆淀三月辛未以宰相仁傑獲頭鵝加
侍中壬辰北院樞密使魏王耶律伊遜知南院大王事

加裕悅知北院樞密使事耶律霖為北院樞密使北院
樞密副使耶律塔喇台知北院樞密使事左伊勒希巴
耶律世遷同知北院樞密使事夏四月己未如納克灤
五月丁亥謁慶陵以契丹行宮都部署耶律雅克為南
府宰相北面林牙耶律永寧伊勒希巴同知南院樞密
使事蕭托卜嘉及殿前副點檢駙馬都尉蕭綽哈並封
蘭陵郡王六月辛亥準布來貢丁巳以北府宰相遼西
郡王蕭額哩頁為西北路招討使己未遣使錄囚是月

放進士劉瓘等百一十三人秋七月己卯獵夾山八月
庚申命有司撰太宗神功碑立於南京九月己卯詔諸
路毋禁僧徒開壇壬午禁扈從擾民冬十月戊戌夏國
遣使來貢己亥駐蹕都爾嘉壬子詔惟皇子仍一字王
餘並削降丁巳振平州貧民己未以趙王楊績為遼西
郡王魏王耶律伊遜降封混同郡王吳王蕭罕嘉努蘭
陵郡王致仕十一月丁丑召沙門守道開壇於內殿癸
未復南京流民差役三年被火之家免租稅一年十二

月丙午彗星犯尾乙卯幸西京戊午行再生禮赦雜犯
死罪以下

六年春正月癸酉如駕鶩灤辛卯耶律伊遜出知興中
府事三月庚寅封皇孫延禧為梁王忠順軍節度使耶
律佛德南院大王耶律仲禧南院樞密使戶部使陳毅
參知政事夏四月乙卯獵炭山五月壬申免平州復業
民租賦一年庚寅以旱禱雨命左右以水相沃俄而雨
降六月戊戌駐蹕納克灤戊申以度支使王績參知政

事庚戌女直遣使來貢秋七月戊辰觀市癸未為皇孫
梁王延禧設旗鼓伊喇六人衛之甲申獵沙嶺閏九月
壬寅祠木葉山己酉駐蹕藕絲淀冬十月己未朔省同
知廣德軍節度使事命奉先軍節度使兼巡警乾顯二
州丁卯耶律仁傑出為武定軍節度使庚午參知政事
劉誵致仕癸酉以陳毅為漢人行宮都部署王績同知
樞密院事辛巳回鶻遣使來貢十一月己丑朔日有食
之癸卯召羣臣議政十二月甲子以耶律塔喇台為孟

父詳袞乙丑以蕭托卜嘉為北府宰相耶律世遷知北
院樞密使事耶律慎思同知北院樞密使事庚午免西
京流民租賦一年甲戌減民賦丁亥豫行正旦禮戊子
如混同江

七年春正月戊申五國部長來貢甲寅女直貢良馬二
月甲子如魚兒濼夏五月壬子駐蹕嶺西癸丑有司奏
永清武清固安三縣蝗甲寅以蕭托卜嘉兼殿前都點
檢蕭綽哈為漢人行宮都部署兼知樞密院事六月甲

子詔月祭觀德殿歲寒食諸帝在時生辰及忌日詣景
宗御容殿致奠丙寅準布余果南來貢丁卯以翰林學
士王言數參知政事封北院宣徽使石篤漆水郡王秋
七月戊子如秋山丙申謁慶陵八月丁卯射鹿赤山加
圍場使尼格為靜江軍節度使九月戊子次懷州命皇
后謁懷陵辛卯次祖州命皇后謁祖陵乙巳駐蹕藕絲
淀冬十月戊辰以特哩袞旺玖為南院大王伊勒希巴
奚綽奇為彰國軍節度使十一月乙酉詔歲出官錢振

諸官分及邊戍貧戶丁亥幸駙馬都尉蕭綽哈第方飲
宰相梁穎諫曰天子不可飲人臣家上即還宮己亥高
麗來貢辛巳除帛絹尺度狹短之令十二月丁卯武定
軍節度使耶律仁傑以罪削爵為民辛未知興中府事
耶律伊遜以罪囚於來州

八年春正月甲申如混同江丁酉鐵驪五國諸長各貢
方物二月戊午如山榆浣辛酉詔北南院官凡給驛者
必先奏聞貢新及奏獄訟方許馳驛餘並禁之己巳夏

國獲宋將張天一遣使來獻壬申以耶律佛德為南府
宰相兼知北院樞密使雅克為特哩袞蕭托卜嘉兼知
契丹行宮都部署事三月庚戌黃龍府女直部長鐘鴈
率民內附予官賜印綬是月詔行拒泰所定升斗夏四
月壬戌以耶律世遷為上京留守六月辛亥朔駐蹕納
克潔丙辰夏國遣使來貢丁巳以耶律佛德為北院樞
密使耶律超格南府宰相劉筠南院樞密使蕭托卜嘉
兼知北院樞密使事王績漢人行宮都部署蕭綽哈國

舅詳察乙丑準布來貢丙子以耶律慎思知右伊勒希
巴事秋七月甲午如秋山南京霖雨沙河溢永清歸義
新城安次武清香河六縣傷稼九月庚寅謁慶陵丁未
駐蹕藕絲淀大風雪牛馬多死賜扈從官以下衣馬有
差冬十月乙卯詔華格傳導梁王延禧加金吾衛大將
軍丙子謁乾陵十一月壬午以伊實大王蕭哈噶為南
院宣徽使權知奚六部大王事圖罕為本部大王十二
月癸丑烏爾古德呼勒統軍使耶律瑪古為北院大王

庚申降皇后為惠妃出居乾陵

九年春正月辛巳如春水夏四月丙午朔大雪平地丈
餘馬死者十六七五月如黑嶺六月己未駐蹕散水原
甲子以耶律阿蘇為契丹行宮都部署耶律慎思北院
樞密副使庚午詔諸路檢括脫戶罪至死者原之閏月
丁丑以漢人行宮副部署罕努為南院大王戊寅詔追
諡庶人濬為昭懷太子丁亥準布來貢己丑以知興中
府事邢熙年為漢人行宮都部署漢人行宮都部署王

續為南院樞密副使秋七月乙巳獵馬尾山丁巳謁慶陵癸丑禁外官部內貸錢取息及使者館於民家八月高麗王徽薨九月癸卯朔日有食之己酉射熊於白石山加圍場使尼格左金吾衛大將軍己巳以高麗王徽子三韓國公勲權知國事辛未五國部長來貢壬申召北南樞密使官議政事冬十月丁丑謁觀德殿己卯南院樞密使劉筠薨壬辰混同郡王耶律伊遜謀亡入宋伏誅十一月丙午進封梁王延禧為燕國王大赦以南

院宣徽使蕭哈噶為南府宰相三司使王經參知政事
兼知樞密事甲寅詔僧善知讐校高麗所進佛經頒行
之已未定諸令史譯史遷叙等級十二月丁亥以邢熙
年知南院樞密使事辛卯以王言敷為漢人行宮都部
署高麗三韓國公王勲薨是年御前放進士李君裕等
五十一人

十年春正月辛丑朔如春水丙午復建南京奉福寺浮
圖戊辰如山榆淀二月庚午朔蒙古國遣使來聘三月

戊申達蒙古國遣使來聘丁巳命知制誥王師儒牌印
郎君耶律固傳導燕國王延禧夏四月丁丑女直貢良
馬五月壬戌駐蹕散水原乙丑準布來貢丙寅降國舅
詳袞班位在詳袞之下六月壬辰禁毀銅錢為器秋
七月甲辰如黑嶺九月癸亥駐蹕藕絲淀冬十二月乙未
改慶州大安軍曰興平是月改明年為大安赦雜犯死
罪以下

大安元年春正月丁酉如混同江癸卯王績知南院樞

密使事邢熙年為中京留守戊申以樞密直學士杜公
謂參知政事庚戌五國酋長來貢良馬二月辛未如山
榆浞夏四月乙酉宋主頊殂子煦嗣位使來告哀辛卯
西幸六月戊辰駐蹕圖古勒壬申以王績為南府宰相
蕭托卜嘉兼知南院樞密使事丁丑遣使弔祭於宋戊
寅宋遣王真甄祐等饋其先帝遺物秋七月乙巳遣使
賀宋主即位戊午獵於赤山八月丁卯幸慶州戊辰謁
慶陵冬十月癸亥駐蹕好草浞戊辰夏國王李秉常遣

使報其母梁氏哀甲申以蕭托卜嘉為南院樞密使十一月乙未詔比者外官因譽進秩久而不調民被其害今後皆以資給遷轉丁酉以南女直詳袞蕭伯哩為北府宰相辛亥史臣進太祖以下七帝實錄丙辰遣使冊三韓國公王勲子運為高麗國王己未詔僧尼無故不得赴闕十二月甲午宋遣蔡卞來謝弔祭


二年春正月辛卯如混同江己酉五國諸部長來貢癸丑召權翰林學士趙孝嚴知制誥王師儒等講五經大

義二月癸酉駐蹕山榆淀是月太白犯歲星三月乙酉
女直貢良馬夏四月戊戌北幸癸丑遣使加統軍使蕭
額圖琿太子太保裨將隆科金吾衛大將軍蕭雅克靜
江軍節度使耶律約尼右監門衛大將軍仍賜賚諸軍
士五月丁巳朔以牧馬蕃息多至百萬賞羣牧官以次
進階乙亥駐蹕納克灤戊寅宰相梁穎出知興中府事
是月放進士張穀等二十六人六月丁亥朔左伊勒希
巴耶律坦為特哩袞知樞密院事耶律額特喀兼知左

伊勒希巴事丙申準布來朝癸卯遣使按諸路獄甲辰
同知南京留守事耶律納延知右伊勒希巴事乙巳準
布余果南及阿達來朝詔燕國王延禧相結為友戊申
以契丹行宮都部署耶律阿蘇兼知北院大王事壬子
高墩以下縣令錄事兄弟及子悉許叙用秋七月丁巳
惠妃母燕國夫人錫庫以厭魅梁王事覺伏誅子蘭陵
郡王蕭綽哈除名置邊郡仍隸興聖宮戊午獵沙嶺甲
子賜興聖積慶二宮貧民錢乙酉出粟振遼州貧民八

月戊子以雪罷獵九月庚午還上京壬申發粟振上京
中京貧民丙子謁二儀五鸞二殿已卯出太祖太宗所
御鎧仗示燕國王延禧諭以創業征伐之難辛巳召南
府宰相議國政冬十月乙酉朔以樞密副使竇景庸知
樞密院事丙戌五國部長來貢丁亥以夏國王李秉常
薨遣使詔其子乾順知國事十一月甲戌為燕國王延
禧行再生禮曲赦上京囚戌寅高麗遣使謝封冊癸未
出粟振乾顯成懿四州貧民十二月辛卯以蘭陵郡王

蕭托卜嘉為南院樞密使己亥夏國王李乾順遣使上
其父遺物



遼史卷二十四

遼史卷二十四考證

六年閏九月 按原本作九月無閏字考厯象志朔考是年九月庚申朔閏九月庚寅朔以支干推之壬寅巳酉皆閏九月非九月也今據增

冬十月己未朔 按原本作癸未下接書丁卯庚午等日距癸未且四十餘日矣今據朔考改正

七年耶律伊遜以罪囚於來州 按原本作萊州考地理志來州統來賓縣地與萊州迥異伊遜傳亦作來

州今據改正

遼史卷二十四考證